

Pongel Bar (42) Din Khon Isa i Gharon'jren Bar Boeha Kur ikin An'gen Akana

Calaoen serma reak' 28 December akoak' hor_o khet ka_mikin senlena Rumila Mardi (14) ar ac'ren ka_t.ic' boeha Maria Mardi (6). N'el n'elte 42 din do parom calaoena. Unkin do ar or.ak' bakin ruar akana. Okatekin senena, onkinak' molon're cet' ceka akana-okoege bako la.i dar.eak' kana. A_kinren en'gat' Aroti Murmu ak' me~t' dak'ge nitok' bhorsa.



Naogaon reak' Porsha thana reak' Phulbaria Baghdanga atore noa ghot.na ghot.ao akana. Bad.ae n'am akana, or.ak' khonak' adha kilomet.er sa.n'gin' re akoak' hor_o khetre setak're ka_mikin senena, tikin ber or.ak' rua.r.ok' reak' katha tahe~kana menkhan bakin ruar. hec' akana. Dosar din ad.epase per.a pa.rua. koak' or.ak' senkatec' khoj ko hataokeda, ond.e ho~ bakin sen akana onkin boeha do. 29 December onkin ren en'gat' Aroti Murmu do Porsha thana re kur.ikin at' akantae babotre na.lisket'a menkhan Pulis do ja~ha~n report bako file akada. Ond.enic' girja. Father pulis t.hene senen re Pulis do 5 February mit't.en mamla ko hataokeda. Porsha thana ren bharapon a.piser Johirul Islam doe bad.ae ocokeda je, onkin boeha kur.i n'amkin la.git'te kurumut.ure menak'koa mente.

HSC Bid .a .u Reak´ Jo Sodorena

Tehen´ do HSC (Higher Secondary School Certificate) bid .a .u reak´ jo sodorena. Budhbar (08 February) setak´ bela Maran´ montri Sheikh Hasina do noa joe sodorkeda. Maran´ montri ak´ ka .mi t .ha .~i reak´ Chameli holl re jo sodor reak´ ko akhr .aleda. Jo sodor lahare Sikhna .t montri Dipu Moni do jo reak´ khat .o biboron maran´ montri tire caladea. Ina .kate joto board ren Chairman ko do akoak´ apan a .pin board reak´ jo maran´ montri ko caladea.

Ona okte selet´ko tahe~kana Sikhna .t upomontri Mohibul Hasan Chowdhury Naufel, Sikhna .t ren socib, Karigori ar Madrasa sikhna .t bibhag ren socib selet´ board sa~o jopor .ao menak´ko ka .mia .ko. Calaoen 6 November HSC bid .a .u do ehop´lena. Nia . dhao are (9) got .en sadharon sikhna .t board, Madrasa ar Karigori board mila .ukate gelmit´ (11) got .en sikhna .t board reak´ tabere mot .re gelbar (12) lakh pe (3) hajar pon sae eyae (407) got .en pa .t .hua . bida .u ko emleda.

Rajshahi Reak´ Poba re

Pahar .ia Ja .tikoak´ Pit .ha . Parbon

Rajshahi Poba reak´ Miyapur re a .diva .si Pahar .ia ja .tigost .hi ren hor .koak´ na .~wa .~i porob n´utumte pit .ha parbon, galmarao sabha ar ra .ska .jon´ reak´ akhr .a hoe pura .uena. Akhr .are ona ad .epase ren maejiu ko nana parkan pit .ha . benaokate manotanko saman´at´koa. Rajshahi bibhagio Khudro Nrigosthi Cultural Academy ak´ bondoboste At .hwar hilok´ (05 February 2023) a .yup´ bela noa parbon do hoyena. Akhr .a a .yur re tahe~kana ona Academy ren Research a .piser Benjamin Tudu.



Bises per .a lekate set .ere tahe~kana Premtoli Degree College ren Professor Jogendronath Soren, Ona atoren ma .n´jhi har .am Jakarias Murmu, Swapon Biswas ar sa~o gor .oic´ Mondol Basil. Rajshahi Bibhagio Khudro Nrigosthi Cultural Academy ren songit prosikhok Manuel Soren ak´ a .k´yurte akhr .are johar katha selet´e ror .keda, songit prosikhok Kobir Ahmed Bindu. Set .ere tahe~kana gobesona sohokari Md: Shahjahan. Ina .chad .a ho~ set .erko tahe~kana Pahar .ia mod khon mit´bar mukhia . ar sa .da .i hor .ko. Benjamin Tudu doe nonkae menkeda, Rajshahi Khudro Cultural Academy do onkoak´ adogok´kan legcar sap´ dohoe ar ra .khi jogao re gor .o gopor .o la .git´ ka .ud .i sec´te ar aema lekan ka .mihora ko hataoet´ kana mente la .i sad .ekeda. Jemon do nonkate noko ja .tigost .hi koak´ a .ri .ca .li, legcar jaejug jia .r . tahe~ idik´.

Guchogram ko Ba.giat' Kana Santal Hor ko

Gaibandha reak' Gobindogonj re aema hor.ge Guchogram ba.gi katec'ko senena. Ka.mi-ka.sni reak' ja~ha~n hor ar a.t ba.nuk'te or.ak'ko ba.giak' kana menteko da.biet' kana. Mo~r.e~ bochor lahare upa.jila. reak' Katabari union reak' Betara atore eyae (70) got.en or.ak' benao rakap'lena. Ona ko or.ak're do upa.jila. reak' adom adom t.ot.ha ren santal ko t.ha.~iat'ko tahe~kana. Menkhan onkoak' khoj, khoti akan gharon'jren ko ka.mi n'amako reak' katha tahe~kana sthanio prosason ak'. Ona jaegare sen katec' n'elena, or.ak ko pantete gente getec' sa.r akana. Adom adom or.ak' reak' t.in do morcha akana. D.her or.ak'ge sin' kulup' menak'a. Adomak' bhit.a. hasa do dhasaok' kana. Lahatenak' or.ak' t.ha.~ire do khet-bar.gere ka.mi katec' jion jingi ko khemaonet' tahe~kana. Menkhan okareko t.ha.~iat' ko tahe~kan, ond.e do gitil macha ila.ka. kana. Noa karonak'te ad.epase ja~ha~n cas-abad ka.mi reak' onkan a.t' ba.nuk'a. Jion jingi khemao la.git' or.ak' ko ba.giat' kana mente bad.ae n'am akana.

Guchogram atoren Khumi Mardi n'utuman 70 bochor umeran mit' maejiu. Uni doe nirbo~s gea. Amdaj gelbar (12) bochor lahare ja~wa~etet' do dha.rti ba.giakada. Uni doe menet' kana, laha do khet-bar.gere mon'jrin' kamikan tahe~na. Nit do umer sec'ten' lahayente ba.n' ka.mi dar.eak' kana. Jomte begor jomte din khemao hoyok' kantin'a. Sarkari sec'te ja~ha~n gor.o ho~ ba.n' n'ameda. Onka leka ar mit' hor. Jamli Pahari (65). Amdaj are (9) serma lahare ja~wa~etet' doe gur akana. Uni ho~ khet' bar.gere hor.o selet' eman lekan phosol ko halan' samt.aokate jion jingi khemaonet' kana. Aema okte jomak' ban' tahe~lenre kur.ikoak' gor.ote calak' kana. Menedae, ale ma bale koe dar.eak'. Sarkari lekate gor.o-gopor.o n'amlen khan thor.a mon'jle tahe~ dar.eak'kea. Komlesh Soren, Mondom Tudu, Hebol Soren ar Koyen Soren noko ko ho~ ona Guchogram atoreko tahe~kana. Nit ond.e do ba.nuk'koa. Onkoak' khoj, kam-kaj reak' katha tahe~kana. Menkhan nit ho~ bako n'am akat'te et.ak' t.ot.hateko calaena.

Guchogram komit.i ren sabha mukhia. Jesael Hembrom ho~ nonkae menkeda,

Ka mi n'amale reak' katha tahe~kana. Menkhan nit' ho~ ona reak' ja~ha~n kathage ba.nuk'a. Onate jingi khemao la.git' okoe do Dhaka garments reko ka.mi kana. Nebetar nond.e bargel (25) got.en gharon'j menak'a. Sarkari sec'te ja~ha~n gor.o gopor.o ba.nuk'te, a.d.i haron talate jingi ko khemaoet' kana. Katabari upa.jila. porisod Chairman Zobair Hasan Safiq Mahmud Golap doe meneda, Betara Guchoqram atoren thamga.d.i akan santal koak' ka.mi babotre bad.ae ba.nuk'taea. Noa babotre upajila. monthly meeting re galmaraoa mente la.i sodorkeda. Upa.jila. Somobay kormokorta A H M Tariqul Sarif doe menet' kana, Guchoqram atore basok'kan santal ko ka.mi n'amako kha.tir loan emako reak' katha tahe~kana. Pa.hilte 10 hajar t.aka emok' katha tahe~kana. Menkhan or.ak' ko ba.giat' ar emanteak' muskilak' karonak'te loan emok' ban' hoe akana. Upa.jila. Nirbahi Officer Arif Hossen ho~e menet' kana, Polli unoyon (BRDB) board selet' aema lekate ka.mi n'amako kha.tirte course reak' bebostha akana. Ina. chad.a ho~ tina.k' ko sen akan onko lekha hoyok' kana. Ar ond.e do et.ak' hor.ko t.ha.~iakoa.

Sa~ota re Gidra. Umer re Bapla Ar N'u~ Bubulak' babotre cehaona Ka.mi kana NAGR

NAGR (National Agency for Green Revolution) do Chapainawabganj ar Rajshahi t.ot.hare sa~ota lahanti, sikna.t emha.tin' ar gidra. umen re ban' bapla, n'u~ bubulak' ko beohar reak' ba.r.ic' jo se kur.ai, niropon hor.mo taken pa.hil cikitsa ka.mihora koe ka.miyeda ato d.iha.~t. t.olakore. NAGR do Santal, Kolhe, Malhe,Muslim se ban'gali ko talare sa~ota lahanti ka.mi horako a.yureda. Nia. ka.mi hora a.yur

la.git' gor.oko emok' kana Bangladesh Santal Friends ar Wycliffe Foundation, Australia.

Sokolbar (03rd February 2023) setak'ber 11 baja Rajshahi Godagari upojila. re Mohonpur Union Porisad reak' Babudang kolhe atore kolhe to talare Gidra. umerre ban' bapla ar n'u~ bubulak' reak' ba.r.ic' jo. pa.t.hua. gidra. ko akoak' jion jin'gi haraburu re ja.r.ur.tet' do cet' ona cetan ko galmarao keda. Nia. ka.mi hora doe ayurkeda NAGR (National Agency for Green Revolution) ren Program Officer Prodig Hembrom. Ar nia program ko n'el tojbij acka hiri kin calaolena NAGR (National Agency for Green Revolution) Executive Director Stephen Soren ar nia. ka.mi calao la.git' ka.udi ko emok' kan Wycliffe Foundation ren CEO Greg Conwell.



Lukhibar (02 February 2023) Chapainawabgonj reak' Amnura Mission re Gidra umerre bapla ar n'u~ bubulak' babotre cehaona gapalmarao sabha hoe pura. uena. NAGR (National Agency for Green Revolution) ak' bondoboste a.yup' bela 3:00 baja khonak' gapalmarao sabha do ehop'lena. Sabha re manotan per.a lekate selet'e tahe~kana NAGR ren a.yuric' Mn.Stephen Soren, Sa.n'gin' disom khon hec' set.erakan Wycliffe Foundation, Australia ren CEO Greg Conwell, Uttar Bango Adivasi Forum ren Chairman Mn. Hingu Murmu ar ona sa~ote slet'ko tahe~kana amdaj 60 gel cetan pa.t.hua. gidra. ar maejiuko. Ar noa sabha a.yur re tahe~kana NAGR ren Program Coordinator Shamson Soren. Pa.hilte manotan per.a do ad.i mon'j enec' seren' talateko daramkede. Noa galmarao sabhare gidra. umer re bapla ar n'u~ bubulak' babotre cehaona kathae ror.keda, pa.t.hua. gidra. Ms. Santa Khatun. Uni do selet' akanko saman're gidra. umer re baplak' reak' ba.r.ic' karonkoe ror. rakap'ket'te gidra. umerre ban' baplak' reak'e batlaoket'koa. Arho~ noa babotre kathae ror.keda, NAGR office secretary Promila Hasda, uni ho~ pa.t.hua. gidra. ko selet' ba.r.tikaete akoren gogokoe cehao are sontorket'koa jemon akoren gidra. ko gidra. umer re aloko

bapla ko. Ente un okte do gidra wak' hara buruk' okto kana. Hor mo sec'te mon sec'te akel bidia, ar joto sec'teko harak'a. Khan gidra, umer re bapla do hor more aema lekan muskile or a guia. Onate sontorket'koa jemon gidra, umer re akoren gidra ko aloko bapla ko. Nonkate jemon mon'j hor mo jiwian metak'me niropon hor mo ko a ida rijon'a.

Onkage NAGR ren a yuric' Mn. Stephen Soren ho~ gidra, umer re bapla ar N'u~ bubulak' babotre selet' akankoe sontor se ten'go daram la git'e aodhanket'koa. Biseskate n'u~ bubulak' khon jemon sahar ko tahe~n. Cedak' je, noa kin banarge ba r ic' karon kana. Noa karonak'te gidra ko olok' par hao khon ko ek'r e ocok' kana. Onate olok' par haok' sec'te hara buruk' la git'e udga uket'koa. A d i mon'jte noa cehaona cepec' sabha ko jaoge hoyok' kana ar nia ko hotete a diva so hor ko jaoge cehao kate nonkan ka miko khon aodhanok'ko metako kana. Nia ka mi reak' jo do n'elok'kan gea. NAGR (National Agency for Green Revolution) ga~ota do nonkan sa~ota sa sur ka mihorako arho~e ka mi idiyeda.

Cancer Ma~ha~

Tehen' Sa nicar (04 February) got a dha rti cancer ma~ha~. Et ak' et ak' disomko leakage Ban'gladisomre ho~ jao sermage noa cancer ma~ha~ manaok' kana. Cancer do jiwi tont a botoranak' rog kana. Hor mo hat in' reak' ja~ha~ jaegarege noa rog do hoe dar eak'a. Got a dha rtire cancer rog te jao serma a d i uta r hor ko gujuk' kana. Cet'ko karonak'te noa rog hoyok' onako modre, bir i/sigaret , pan, thamakur jom, sa bji metak'me ar ak' sakam, pholmul ar cokak' anak' jomak' ko kom jom, hor mo ban' bhan'jao, hor mo reak' ba r ti ojon, X-ray re radiation, chemicals se rasainik podartho, virus se eman lekan virus ko.

Cancer birudre ten'go daram la git' ja rur ok' ko:

Khodrond katec' n'el akana, jao sermage got a disomre mit' karor. khon ho~ d.her hor. Cancer rogte ja bun katec'ko gujuk' kana. N'elok' kana amdaj mo~r.e~ hor. modre pe hor.ge noa rog reak' cinha. ban'ko moneak' kana, one oka do bogeak' reak' sambhab ho~ tahe~kan. Ja~ha~tina.k'ge ran rehet' seba tahe~n, enreho~ noa rog hoelen khan a.d.i duk menak'a. Onate rog birud ten'go daramge bogea. Jom n'u se ta.lika. re bonodol a.gui hoyok'a. Sunum ar her.em jomak' kom n'ok' jom hoyok'a. Pholmul ar ar.ak' sakam ba.r.ti jom hoyok'a. N'u bubulak' khon pharak re tahe~n. Pan-thamakur jom ba.gi hoyok'a. End.ekhan thor.gan reho~ noa rog khon rukhia.bon n'am dar.eak'a.

Tabitha Kinder Garten School Re Nawa Gidra Ko Atan' Daramket'koa

Mon'golbar (31 January) setak' 10:00 baja jokhen Tabitha Kinder Garten School re nawa gidra ko atan' daram ket'koa. Nia dhao do aregel (90) got.en gidra ko atan' daramket'koa. Atan' daram okte manotan per.a lekate set.ere tahe~kana NAGR (National Agency for Green Revolution) ren a.yuric'/Executive Director Mn.Stephen Soren, Amnura Mission Primary School ren maran' mahasoe Sontosh Tudu, 3 no.Jhilim Union Porisod ren 1,2,3 no ward ren maejiu member Johra Begum, 2no. ward ren member Md.Masud Parvez ar ona sa~ote set.ere tahe~kana Tabitha Kinder Garten School ren Maran' Mahasoe ar NAGR ren Program Officer Prodip



Hembrom selet' Mahasoe ar pa.t.hua. gid

Manotan ko do Atan' daram n'utumte mimit' gidra ko sikhna.t reak' ja.rur. jinis, file, kolom, scale, School d.airi ar rul pencil sandes lekateko em ha.t.in'at'koa. Atan' daram re Manotan lekate kathae ror.keda maejiu member Johra Begum, uni doe menkeda, noa Tabitha kinder Garten School do Amnura Sodor, Jhilim union re mit't.en namd.ak School kana. Cedak' je, Gidra ko nond.e hec'kate mon'j poribes re mon'j sikhna.t ko hamet. dar.eak' kana. Ase dohokeda arho~ noa Sikhna.t t.hao~na do ba.i ba.ite hara buruk'te ad.epase re noa reak' n'utum d.amd.ahek'a. Onka leka member Md.Masud Parvez ho~ ac'ak' kathate nonkae ror. sodorkeda, noa School do mon'j mit't.en School kana. Gidra ko noa School re joto lekan gor.oko n'ameda. Onate noa School arho~ maran' rup'te benao rakap' la.git' joto lekan gor.o.gopor.oe emok'a mente ekrar.keda.



Nawa gidra. atan' daramre johar selet' kathae ror.keda NAGR ren a.yuric'/Executive Director Mn.Stephen Soren. Pa.hilte gidra ko dula.r. johar ar onkoren gogo-babako manot johar-e emat'koa. Uni doe menkeda, 2012 serma re noa School pa.hil ehop'lena. Ar un khonge noa sikhna.t t.ha~ona do hud.in' hud.in' khon nit dha.bic'te nonka hara buruyena. As doho katec'e menkeda, arho~ darakan dinre noa t.ha~ona do ad.epase se noa jhilim union re mon'j n'utume ha.rjona' mente. Ona la.git' aema lekan ka.mihora ko calak' kana mente la.i sodorkeda. Mucat're sanam gidra ko mon'jte olok' par.haok' la.git' ho~e

udga.uket'koa. Jemon do din hilok' School ko hijuk'te sikhna.t ko hamet.jon' dar.eak'. Gidra ko sa~ote ba.r.tikaete akoren gogo-babakoe cehao are udga.uket'koa akoren gidra.ko jogao jotonkote School ko kol ko. Ar nonkate olok' par.hao sec' jhu~k mon lagaote mon'j ko hara buruk'. Ina sa~ote atan' daram chad.a ho~ gidra.koak' School batch ko ucha.nkeda. Napaete gidra ko atan' daram hoe pura.uená.

SSC Bid_a_u Eho_bo_k' Kana 30 April Kho_nak'

Calak'kan serma metak'me 2023 ren SSC ar ona man reak' bid.a.u emok' koak' ta.rik nit. akana. Nit. akan ta.rik do_ 30 April. At.hwar hilok' (29 January) Anto:sikha board ren somonoy komit.iren convener ar Dhaka sikhna.t board ren Chairman Topon Kumar Sarkar-e bad.ae ocokeda, darakan 30 April khonak' SSC bid.a.u eho_bo_k'a mente. Bad.ae akana, disom reak' Iskul kore 2023 serma ren SSC bid.a.u emok' koak' form purun do_ calaoen serma D.ecember 18 khon ehop' kate 5 January dha.bic' calao idiyena.

Menkhan bad.ae abon jao serma reak' February cando SSC bid.a.u hoe bar.ak'a. Ar HSC bid.a.u do_ April cando hoe bar.ak'a. Menkhan Korona mahamari khonak' jo_to_ lekan bid.a.u ge o_kte na.pitre ban' hoyok' kana. Onka leka nes reak' SSC bid.a.u ho~ o_kte na.pitre ban'kate 30 April khon ehop' la.git' nit. se got.a akana.

HSC Bid .a .u Reak´ Jo Sodorok´a 8 February

Darakan 8 February HSC bid .a .u reak´ jo sodorok´a. Athwar hilok´ (29 January) setak´ re Anto:sikha board ren somonoy komit .iren convener ar Dhaka sikhna .t board ren Chairman Topon Kumar noa khobor babotre la .i lahakeda. Uni doe menkeda, darakan mahna 8 February HSC ar ona man reak´ bid .a .u jo do sodorok´a.

Noa bid .a .u jo sodor la .git´te 7-9 February talate okto nit katec´ Sikhna .t montronaloy te khobor kol hoylena. Menkhan maran´ montri do onako din bhitrire 8 February nend .a se got .akeda. Maran´ montri ak´ got .a lekate 8 February tikin ber 12 baja talate bid .a .u reak´ jo do sodorok´a. Bad .ae abon je, calaoen 6 November got .a disomre HSC ar ona man reak´ bid .a .u do ehop´lena. Are (9) got .en sadharon sikhna .t board, madrasa ar Karigori board jotokote mitkate gelmit´ (11) got .en sikhna .t board reak´ tabere mot .re 12 lakh khon d .her pa .t .hua . noa bid .a .ureko selet´lena.

Cini Reak´ Dam Kegı Re Mo~r .e~ T .aka D .herena

Nia .ko dinre ha .t .ia .re joto lekan jinis reak´ dam a .d .ige d .her akana. Oka do joto hor .koak´ gharon´j jionre mit´ maran´ muskil kan. Ba .r .tikate ren´gec´-orec´ hor .koak´ gharon´jre. Onka leka Cini reak´ dam arho~ ba .r .ti la .git´e la .i ja .hirkdeda Bangladesh Sugar Refiners Association (BSRA). Sarkar do cini reak´ dam kegi re mo~r .e~ t .akae d .herkeda.

Nit khon khola a .khrin´ok´ kan cini reak´ dam mit´ sae eyae (107) t .aka ar peket . cini do mit´ sae gelbar (112) t .aka nend .a akana. Noa

nawa dam do darakan cando February pa hil khon ehobok'a. Lukhibar (26 January) mit' d.ha.rwa.k' talate BSRA noa khobore la.i lahakeda. Cini reak' dam d.her ia.te Bangladesh Trade And Tafiff Commision ar Ba.nijo montronaloy sa~o ho~ gapalmarao hoe akana mente d.ha.rwa.k' re sodor akana.